

Na osnovu člana 7. Statuta Turističke zajednice grada Tuzle ("Službeni glasnik Grada Tuzla" broj: 12/17, 04/22, 08/23 i 16/25), člana 7. Pravilnika o kriterijima i postupku raspodjele sredstava za finansiranje/sufinansiranje projekata, programa i manifestacija koje doprinose obogaćivanju turističke ponude, broj: 02-254/19 i 02-135-1/22, člana 5. Odluke o utvrđivanju prioritetnih područja za dodjelu sredstava putem Javnog poziva za finansiranje/sufinansiranje projekata i manifestacija koje doprinose obogaćivanju turističke ponude na području grada Tuzle, broj: 02-686/26 od 20.07.2026. godine i Odluke o raspisivanju Javnog poziva za finansiranje/sufinansiranje projekata i manifestacija koje doprinose obogaćivanju turističke ponude na području grada Tuzle, broj: 04-710/26 od 28.07.2026. godine, Turistički ured Turističke zajednice grada Tuzle, dana 03.08.2026. godine, objavljuje:

JAVNI POZIV

za finansiranje/sufinansiranje projekata i manifestacija koje doprinose obogaćivanju turističke ponude na području grada Tuzle

I. Predmet Javnog poziva

Predmet Javnog poziva je dodjela sredstava Turističke zajednice grada Tuzle sa pozicije utvrđene Godišnjim programom rada i finansijskim planom Turističke zajednice grada Tuzle za 2026. godinu, pod nazivom: „*Podrška projektima koji imaju za cilj podizanje kvalitete turističke ponude i promocije turističkih kapaciteta na području grada Tuzle*“, **u ukupnom iznosu od 50.000 KM.**

Pravo na dodjelu sredstava imaju:

- a) neprofitne organizacije koje prema rješenju o upisu u registar obavljaju djelatnost koja je u skladu sa prioritetnim područjima ovog Javnog poziva, a u okviru kojih će realizovati svoje aktivnosti i
- b) privredna društva (d.o.o.) koja su registrovana za obavljanje turističko-ugostiteljske i/ili djelatnosti organizacije manifestacija i događaja kulturno-zabavnog karaktera.

II. Prihvatljivi i neprihvatljivi troškovi

Odobrena finansijska sredstva korisnik je dužan utrošiti isključivo za realizaciju prijavljenog projekta ili manifestacije. Sredstva se smatraju namjenski utrošenim ako su korištena isključivo za finansiranje prihvatljivih i opravdanih troškova utvrđenih finansijskim planom i budžetom projekta ili manifestacije. Svako odstupanje od finansijskog plana, odnosno budžeta projekta ili manifestacije, smatrat će se nenamjenskim trošenjem sredstava.

Neprihvatljivim troškovima smatraju se: troškovi redovnog poslovanja prijavitelja (plate i ostala primanja zaposlenih), tekući uredski troškovi, dugovi i stavke za pokrivanje gubitaka ili dugova, dospjele kamate na kredite, carinske i uvozne takse, troškovi najma i kupovine vozila, zajmovi trećim stranama, kupovina zemljišta ili građevina, troškovi reprezentacije, hrane i alkoholnih pića.

III. Prioritetna područja finansiranja/sufinansiranja

Prioriteti finansiranja/sufinansiranja moraju biti usmjereni ka postizanju ciljeva definiranim strateškim i razvojnim dokumentima Grada Tuzla te drugim strateškim dokumentima iz oblasti turizma, a prijavitelji na ovaj Javni poziv dostavljaju prijave iz sljedećih prioritetnih područja:

1. Podsticanje razvoja turističke infrastrukture

- 1.1. Očuvanje i stvaranje prepoznatljivog i privlačnog turističkog ambijenta;
- 2.1. Obnova, uređenje i aktiviranje područja grada Tuzle koja su nedovoljno uključena u turistički promet.

2. Kultura i kulturno historijsko i prirodno naslijeđe

- 2.1. Promocija kulturno-historijskog i prirodnog naslijeđa;
- 2.2. Manifestacije od kulturnog, sportskog, privrednog i umjetničkog značaja koje doprinose obogaćivanju turističke ponude i privlačenju turista.

3. Unapređenje cjelovite turističke ponude

- 3.1. Podizanje kvaliteta turističkih usluga;
- 3.2. Razvoj i unapređenje posebnih oblika turizma;
- 3.3. Stvaranje novih inovativnih turističkih proizvoda.

Prijavitelji na ovaj Javni poziv mogu podnijeti **samo jednu prijavu** u skladu sa naprijed navedenim prioritetnim područjima finansiranja/sufinansiranja, odnosno sredstva Turističke zajednice grada Tuzle mogu biti odobrena samo za jedan projekat ili manifestaciju istog prijavitelja.

IV. Minimalan i maksimalan iznos sredstava za dodjelu

Minimalan iznos sredstava koja se mogu dodijeliti po jednoj prijavi u okviru prioritetnih područja iz člana III. ovog Javnog poziva je **1.000 KM** (slovima: jednahiljada KM), a maksimalan **5.000 KM** (slovima: pethiljada KM).¹

Turistička zajednica grada Tuzle zadržava pravo da ne dodijeli eventualno preostala finansijska sredstva ukoliko po Javnom pozivu ne bude zaprimljen dovoljan broj kvalitetnih prijava ili ukoliko zaprimljene prijave ne budu ispunjavale propisane kriterije Javnog poziva.

V. Pravo učešća

Pravo na dodjelu sredstava putem Javnog poziva mogu ostvariti prijavitelji koji ispunjavaju sljedeće opće uslove:

- da su osnovani i registrovani u Bosni i Hercegovini i da na području grada Tuzle imaju sjedište ili drugi organizacioni oblik,
- da je odgovorno lice prijavitelja državljanin Bosne i Hercegovine,
- da ne obavljaju aktivnosti u ime političkih partija,
- da se njihove prijave na ovaj Javni poziv odnose na prioritetna područja iz ovog Javnog poziva;
- da im je registrovana djelatnost u skladu sa prioritetnim područjima finansiranja/sufinansiranja u okviru koje će realizovati svoje aktivnosti i
- da svoje aktivnosti realizuju na području grada Tuzle.

Izuzetno, sredstva se mogu dodijeliti i za aktivnosti koje se realizuju izvan područja grada Tuzle, ukoliko značajno doprinose turističkoj promociji grada, a što je prijavitelj na Javni poziv obavezan opisati u Prijavnom obrascu iz tačke VII. Javnog poziva, i u slučaju odobrenih sredstava dokazati u Finansijskom i narativnom izvještaju – *Obrazac 6*, koji se može preuzeti na zvaničnoj internet stranici Turističke zajednice grada Tuzle (<https://tztz.ba/ba/javni-pozivi/>).

Sredstva se mogu dodijeliti i prijaviteljima sa sjedištem izvan grada Tuzle, a koji su registrovani na području Bosne i Hercegovine, samo u slučaju ako je realizacija projekta ili manifestacije od interesa za grad Tuzlu i ima izuzetan turistički značaj za grad, pod istim uslovima koji su navedeni u prethodnom stavu ovog člana Javnog poziva.

VI. Ko ne može učestvovati u ovom Javnom pozivu

Na ovaj Javni poziv **ne mogu** se prijaviti fizička lica, kao ni subjekti koji imaju status javne ustanove i javnog preduzeća.

Također, prijavitelji koji su **u toku 2026. godine na bilo koji način ostvarili sredstva** Turističke zajednice grada Tuzle za realizaciju projekata ili manifestacija od značaja za turističku ponudu grada, **nemaju pravo prijave** na ovaj Javni poziv.

Pravna lica koja su u prethodnoj, 2025. godini, koristila sredstva Turističke zajednice grada Tuzle, a ista nisu blagovremeno i propisno opravdali, **nemaju pravo prijave** na ovaj Javni poziv.

VII. Prijavna dokumentacija

Prijava na Javni poziv podnosi se na propisanom Prijavnom obrascu koji je objavljen na zvaničnoj internet stranici Turističke zajednice grada Tuzle (<https://tztz.ba/ba/javni-pozivi/>).

Prilikom prijave na Javni poziv, prijavitelji su obavezni dostaviti sljedeće:

1. Elektronski popunjen Prijavni obrazac (*Obrazac 1*)²;
2. Rješenje o registraciji kod nadležnog organa;

¹ Prijavitelji na ovaj Javni poziv mogu od Turističke zajednice grada Tuzle tražiti finansijska sredstva za organizaciju i realizaciju svojih aktivnosti **isključivo u utvrđenom rasponu od 1.000 KM do 5.000 KM**.

² Prijavni obrazac se popunjava isključivo elektronski/na računaru, prijave ispunjene na drugi način neće biti uzete u razmatranje.

3. Rješenje o posljednjem upisu promjena podataka, izmjena ili dopuna prvobitnog Rješenja o registraciji kod nadležnog organa, ukoliko su vršene izmjene i/ili dopune (za neprofitne organizacije koje se prijavljuju);
4. Aktuelni Izvod iz sudskog registra (za d.o.o. koja se prijavljuju), ne stariji od 30 dana od dana objave Javnog poziva - **original ili ovjerena fotokopija**;
5. Uvjerjenje o registraciji poreznog obveznika (Identifikacioni broj);
6. Uvjerjenje o registraciji/upisu u Jedinstveni registar obveznika indirektnih poreza (dostavljaju obveznici uplate PDV-a);
7. Detaljno razrađen Finansijski plan za realizaciju projekta ili manifestacije, potpisan i pečatiran od strane odgovornog lica ili ovlaštenog lica (pregled budžeta sa specifikacijom troškova potrebnih sredstava) – (*Obrazac 2*);
8. Kopija lične karte ili Uvjerjenja o državljanstvu odgovornog lica;
9. Uvjerjenje o izmirenim obavezama prema javnim prihodima, ne starije od 30 dana od dana objave Javnog poziva - **original ili ovjerena fotokopija**;
10. Potvrda o izmirenim obavezama po osnovu indirektnih poreza, ne starija od 30 dana od dana objave Javnog poziva - **original ili ovjerena fotokopija** (dostavljaju obveznici uplate PDV-a);
11. Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha) - **original ili ovjerena fotokopija**;
12. Podatke o stručnosti lica angažovanih za potrebe provedbe projekta ili manifestacije (kraći CV);
13. Zvaničan dokument banke o otvaranju transakcijskog računa;
14. Izjava odgovornog lica o izmirenim obavezama na ime članskog doprinosa i/ili boravišne takse prema Turističkoj zajednici grada Tuzle za obavezne članove Turističkoj zajednice grada Tuzle **zaključno sa 30.06.2026. godine (ovjerena kod notara ili drugog nadležnog organa)**³;
15. Dokaz o pribavljenim saglasnostima ili dozvolama neophodnim za izvođenje projektnih aktivnosti koje se odnose na turističku infrastrukturu⁴ i
16. Lista za provjeru (*Obrazac 3*).

Prijavitelj uz prijavu dostavlja fotokopije tražene dokumentacije, osim dokumentacije iz tačke 4., 9. 10. 11. i 14. prethodnog stava, **koja mora biti u originalu ili ovjerenoj fotokopiji**, u skladu sa uslovima Javnog poziva.

Ukoliko prijavitelj dostavlja ovu dokumentaciju u formi ovjerene fotokopije, **ovjerena fotokopija ne smije biti starija od 30 dana od dana objave Javnog poziva**, a originalni dokumenti po potrebi će biti zatraženi na uvid ukoliko sredstva budu odobrena.

Prijave prijavitelja na Javni poziv koji se nalaze u bilo kojoj od niže navedenih kategorija neće se uzeti u razmatranje:

- a) koji su u 2026. godini već bili korisnici sredstava Turističke zajednice grada Tuzle;
- b) koji nisu izvršili obaveze po ranije doznačenim (odobrenim) finansijskim sredstvima Turističke zajednice grada Tuzle;
- c) čije su aktivnosti usmjerene na promociju političkih stranaka i političkih uvjerenja, rasizma, fašizma i kršenja zakonom zagarantovanih ljudskih prava i sloboda;
- d) koje su namijenjene za isključivu dobit pojedinca;
- e) koji ne izmiruju zakonske obaveze prema javnim prihodima i po osnovu indirektnih poreza (ukoliko je prijavitelj obveznik uplate indirektnih poreza);
- f) koji ne izmiruju zakonske obaveze prema Turističkoj zajednici grada Tuzle;
- g) čije aktivnosti nisu u skladu sa prioritetnim područjima iz člana III. ovog Javnog poziva.

VIII. Osnovni kriteriji za ocjenu i odabir

Osnovni kriteriji za ocjenu i odabir prijava na Javni poziv utvrđeni su Pravilnikom o kriterijima i postupku raspodjele sredstava za finansiranje/sufinansiranje projekata, programa i manifestacija koje doprinose obogaćivanju turističke ponude, broj: 02-254/19 i 02-135-1/22.

IX. Provođenje Javnog poziva

Postupak po ovom Javnom pozivu provodi tročlana Komisija, u skladu sa članom 12. Pravilnika iz člana VIII ovog Javnog poziva.

³ Ukoliko prijavitelj nije obveznik plaćanja članskog doprinosa i/ili boravišne takse turističkoj zajednici, ne dostavlja se ovaj dokaz.

⁴ Za sve aktivnosti prijavitelja koje se odnose na razvoj i unapređenje turističke infrastrukture potrebno je dostaviti prethodne saglasnosti ili dozvole za izvođenje projektnih aktivnosti iz Prijavnog obrasca - ukoliko su neophodne, kao npr. urbanistička ili građevinska saglasnost ili dokaz o nepostojanju obaveza za pribavljanjem prethodnih saglasnosti i slično.

Samo prijave koje budu ocijenjene sa **20 i više bodova** mogu biti finansirane/sufinansirane od strane Turističke zajednice grada Tuzle, s obzirom da prijavitelji sa nižim brojem bodova ne zadovoljavaju postavljene standarde.

Komisija zadržava pravo da odabranom prijavitelju dodijeli sredstva u manjem iznosu od iznosa kojeg prijavitelj potražuje od Turističke zajednice grada Tuzle, a u skladu sa kriterijima i mjerilima za ocjenjivanje i odabir utvrđenih Pravilnikom, cijeneći turistički značaj prijavljenog projekta ili manifestacije.

X. Period realizacije aktivnosti

Aktivnosti odabranih prijavitelja po ovom Javnom pozivu će se realizovati u periodu **od 1.9. do 31.12.2026. godine.**

XI. Zaštita ličnih podataka

Podnošenjem prijave na ovaj Javni poziv, prijavitelj potvrđuje da je upoznat da Turistička zajednica grada Tuzle, kao kontrolor ličnih podataka u skladu sa Zakonom o zaštiti ličnih podataka Bosne i Hercegovine („Službeni glasnik BiH“, broj 12/25), prikuplja, obrađuje i koristi lične podatke dostavljene u okviru prijave isključivo u svrhu provođenja postupka Javnog poziva, zaključenja i realizacije ugovora sa odabranim korisnicima, te ispunjavanja zakonskih obaveza.

Turistička zajednica grada Tuzle obrađuje samo lične podatke koji su neophodni za navedene svrhe, uz primjenu odgovarajućih mjera zaštite, u skladu sa odredbama Zakona.

Dostavljanjem prijave prijavitelj potvrđuje da je saglasan sa obradom ličnih podataka sadržanih u dostavljenoj dokumentaciji.

XII. Mjesto i rok dostave prijava na Javni poziv

Prijave na ovaj Javni poziv sa pratećom dokumentacijom prijavitelji dostavljaju u zatvorenoj koverti preporučenom poštom ili se predaju lično u Turistički ured Turističke zajednice grada Tuzle, na adresi:

**TURISTIČKA ZAJEDNICA GRADA TUZLE
TURISTIČKI URED**

Ulica Soni trg broj 8, 75 000 Tuzla

**„Javni poziv za finansiranje/sufinansiranje projekata i manifestacija
koje doprinose obogaćivanju turističke ponude na području grada Tuzle“**

Javni poziv je otvoren **14 dana** od dana objave, a krajnji rok za predaju prijava je **17.08.2026. do 16.00 sati.**

Prijave koje budu pristigle poslije navedenog roka razmatraće se jedino u slučaju da poštanski žig ukazuje na datum slanja prije zvaničnog isteka roka.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje.

Prijave poslane na bilo koji drugi način (npr. faksom i e-mailom) neće biti uzete u razmatranje.

Vanjska strana koverta mora sadržavati naziv Javnog poziva i naznaku **/NE OTVARATI/**

XIII. Način objavljivanja rezultata

Na osnovu ocjene prijava na Javni poziv i ostvarenom broju bodova iz pojedinačnih obrazaca za ocjenjivanje prijavitelja, Odluka o odabiru projekata, programa ili manifestacija sa planom raspodjele sredstava će se donijeti najkasnije u roku od **10 radnih dana** od dana zatvaranja ovog Javnog poziva.

Rezultati Javnog poziva biće objavljeni na zvaničnoj internet stranici Turističke zajednice grada Tuzle (<https://tztz.ba/ba/javni-pozivi/>).

Turistički ured Turističke zajednice grada Tuzle će sa odabranim korisnicima zaključiti ugovore kojim će se regulisati međusobna prava i obaveze u pogledu dodjele i načina korištenja sredstava na ime finansiranja/sufinansiranja odobrenih projekata ili manifestacija.

Sve dodatne informacije o načinu i postupku učešća u Javnom pozivu mogu se dobiti u Turističkom uredu Turističke zajednice grada Tuzle, slanjem pitanja na e-mail adresu: info@tztz.ba